

清·錢儀吉輯
清·同治七年刻本

經

苑

(六)

台灣大通書局印行

中華民國五十九年六月初版

經苑

(精裝六巨冊)

售價：新台幣：二千五百元
美金：六十二元五角

出版者：大通書局

發行人：孔昭明

版權所有

地址：台北市東園街三一六號

郵政劃撥戶四二七一號

電話：三七〇四四八號

印刷者：美明美術印刷廠

地址：台北市康定路二〇二號

內政部登記證內版台業字第一七三七號

欽定四庫全書提要

春秋集解十二卷

宋蘇轍撰先是劉敞作春秋意林多出新意孫復作春秋尊王發微更舍傳以求經古說於是漸廢後王安石詆春秋爲斷爛朝報廢之不利於學官轍以其時經傳並荒乃作此書以矯之其說以左氏爲主左氏之說不可通乃取公穀啖趙諸家以足之蓋以左氏有國史之可據而公穀以下則皆意測者也自序稱自熙寧間謫居高安爲是書暇輒改之

春秋集解

提要

十一

至元符元年卜居龍川凡所改定覽之自謂無憾蓋積十餘年而書始成其用心勤懇愈於奮臆遽談者遠矣朱彝尊經義考載陳宏緒跋曰左氏紀事粲然具備而亦間有悖於道者公穀雖以臆度解經然亦得失互見如戎伐凡伯於楚丘穀梁以戎爲衛齊仲孫來公穀皆以爲魯慶父魯滅項又皆以爲齊實滅之顯然與經謬戾其失固不待言至如隱四年秋翬帥師會宋公陳侯蔡人衛人伐鄭桓十有四年秋八月壬申御廩災乙亥嘗莊

二十有四年夏公如齊逆女諸如此類似公穀之說妙合聖人精微而頗瀆一概以深文詆之因噎廢食讀者掄其短而取其長可也其論是書頗允此本不載蓋刻在宏緒前也宋史藝文志稱是書爲春秋集傳文獻通考則作集解與今本合知宋志爲傳寫誤矣

春秋集解

提要

二

顏濱先生春秋集解引

予少而治春秋時人多師孫明復謂孔子作春秋略盡一時之事不復信史故盡棄三傳無所復取予以爲左丘明魯史也孔子本所據依以作春秋故事必以丘明爲本杜預有言丘明授經於仲尼身爲國史躬覽載籍其文緩其旨遠將令學者原始要終尋其枝葉究其所窮優而柔之使自求之饜而飫之使自趨之若江海之浸膏澤之潤渙然冰釋怡然理順斯言得之矣至於孔子之所予奪則丘明容不盡明故當參以公穀啖趙諸人然昔之儒者各信其學自是

春秋集解序

一

而非人是以多窒而不通老子有言學不學復眾人之所過以輔萬物之自然而不敢爲予竊師此語故循理而言言無所係理之所至如水之流東西曲直勢不可常要之於通而已近歲王介甫以宰相解經行之於世至春秋漫不能通則詆以爲斷爛朝報使天下士不得復學嗚呼孔子之遺言而凌滅至此非獨介甫之妄亦諸儒講解不明之過也故予始自熙寧謫居高安覽諸家之說而裁之以義爲集解十二卷及今十數年矣每有暇輒取觀焉得前說之非隨亦改之紹聖之初遷於南方至元符元年凡三易地

最後卜居龍川之白雲橋杜門無事凡所改定亦復非一覽之洒然而笑蓋自謂無憾矣南荒士人無可與論說者顧謂子遜仰之彌高鑽之彌堅瞻之在前忽焉在後此孔子之不可及而顏子之所太息也而況於予哉安知後世不復有能規予過者其於昔之諸儒或庶幾焉耳汝能傳予說使後生有聞焉者千歲之絕學儻在於是也二年閏九月八日志

春秋集解序

二

春秋集解卷一

宋 蘇 轍 諫

隱公

元年春王正月

不書卽位而書正月何也言朝正於廟於是始成君也惠公娶于宋曰孟子卒其勝聲子生隱公又娶于宋曰仲子生桓公而惠公薨隱公立而奉之是以未嘗卽位也隱公雖長庶子也桓公雖幼適子也適子當立而不能自立庶子不當立而能自立矣然則桓公之立否在隱公也隱立而以奉桓

春秋集解

卷一

一

其志可也而禮則不可公羊曰立適以長不以賢立子以貴不以長隱於是焉而辭立則未知桓之將必得立也且如桓立則恐諸大夫之不能相幼君也然則自立而以奉桓禮歟穀梁曰春秋貴義而不貴惠信道而不信邪兄弟天倫也爲人子受之父爲人臣受之君已廢天倫而忘君父以行小惡可謂輕千乘之國矣蹈道則未也然則廢桓而自立禮歟兄弟之不加適庶古之道也諸侯再娶之非禮惠公尸之矣惠公以夫人娶之而其子可不以爲適乎雖然自立以俟其長亂之道也蓋亦

立桓而已爲政乎立桓而已爲政及其成人而授之於是可謂禮矣

三月公及邾儀父盟于蔑

邾子克也不書爵不名而字附庸之君未王命者也或曰古者禮樂征伐自天子出諸侯專之非禮也凡書皆以譏之予以爲不然春秋之際王室衰矣然而周禮猶在天命未改雖有湯武未能取而代之也諸侯之亂舍此何以治之要之以盟會威之以征伐小國恃焉大國畏焉猶可以少安也孔子曰桓公九合諸侯一匡天下民到于今受其賜

春秋集解

卷一

二

微管仲吾其被髮左衽矣故春秋因其禮俗而正其得失未嘗不予也故曰其事則齊桓晉文其文則史其義則丘竊取之矣盟必有日月而不日失之也春秋以事繫日以日繫月以月繫時以時繫年事成於日者日成於月者月成於時者時不然皆失之也故崩薨卒弑葬郊廟之祭盟戰敗入滅獲日食星變山崩地震火災凡如此者皆以日成者也朝覲蒐狩城築作毀凡如此者皆以時成者也會遇平如來至侵欺伐圍取救次遷戍追襲奔叛執水旱雨電冰雪彗孛螽蟥凡如此者或以月

成或以時成者也惟公卽位不書曰有常日也外殺大夫不書月與日卑不以告也

夏五月鄭伯克段于鄢

段鄭伯之母弟也其母愛之封之於京將作亂大夫請禁之鄭伯不許及聞其將襲鄭而後伐之段出奔其段之不稱弟及公子何也段將爲君非復臣也不稱段之奔而稱鄭伯之克何也段之亂鄭伯成之也克者何能勝也段之欲爲亂久矣鄭人知之而鄭伯不禁非不能也將養之使至於亂而加之以大戮故雖逐之而國人不致爭母不敢愛

春秋集解 卷一

三

此鄭伯之所謂能也故書曰鄭伯克段于鄢以示得其情也凡諸侯之事告則書不然則否雖及滅國滅不告敗勝不告克不書于策公羊穀梁以爲諸侯之事盡於春秋也而事爲之說則過矣

秋七月天王使宰咺來歸惠公仲子之賵

魯之喪諸侯有來賵者矣皆以常事不書書宰咺尊王命也天子之宰曰宰周公曰宰渠伯糾咺之名何也其賵非禮也天子七月而葬同軌畢至諸侯五旬同盟至大夫三月同位至士逾月外姻至以賵惠公則緩以賵仲子則未葬也使受命於君

出而不如其素雖正之可也季文子聘于晉求遭喪之禮而行遭喪而以常禮行之不可未喪而以喪禮行之可乎周雖命之咺不得行也唯命而行之以爲非使也故名仲子之不稱夫人何也非薨非葬名有所不必書也穀梁曰仲子者惠公之母孝公之妾也禮賵人之母則可賵人之妾則不可君子以其可辭而受之以仲子爲惠公之母疑於僖公成風故也婦人旣嫁從夫夫死從子由其夫之喪而賵之曰惠公仲子由其子之喪而祔之曰僖公成風禮不可以賵人之妾而仲子獨無子乎

春秋集解 卷一

四

雖從其夫禮也故凡春秋之事當從史左氏史也公羊穀梁皆意之也蓋孔子之作春秋事亦略矣非以爲史也有待乎史而後足也以意傳春秋而不信史失孔子之意矣

九月及宋人盟于宿

言及而不言其人內之微者也宋人外之微者也或曰皆遠而失之也宿小國也盟而以國地宿與盟也

冬十有二月祭伯來

祭伯天子之卿也不稱使非王命也不言朝未嘗

朝也天子之卿而外交於諸侯非禮也

公子益師卒

益師魯大夫也大夫之喪君不與小斂則不日以爲少恩也或曰遠而失之也

二年春公會戎于潛夏五月莒人入向無駭帥師入極

無駭之不氏未賜族也或曰未王命也古者天子賜姓諸侯賜族楚未嘗通於周而其大夫曰屈完故氏非王命也極小國也

秋八月庚辰公及戎盟于唐九月紀裂繻來逆女

春秋集解 卷一

五

不稱使昏禮不稱主人也裂繻之不氏何也小國之大夫稱人其名皆特書也書裂繻以其逆女也凡女在國稱夫人禮惟天子不親迎使上卿逆之上公臨之諸侯親迎有故則使大夫可也

冬十月伯姬歸于紀紀子帛莒子盟于密

子帛裂繻也其盟魯故也魯人有怨于莒裂繻既昏於魯而爲魯盟莒故比之魯大夫而稱字嘉之也

十有二月乙卯夫人子氏薨

桓公之母仲子也凡公母稱夫人薨則曰夫人某

氏薨葬畢而耐于廟則曰葬我小君某氏不稱夫人則曰某氏卒不耐于廟則不書葬仲子始娶于宋故曰夫人子氏薨特立之廟而不耐故不書葬左氏曰不赴于諸侯不反哭于寢不耐于姑故不曰薨不稱夫人故不言葬考之以事皆不合失之矣

鄭人伐衛

三年春王二月己巳日有食之

凡春而書月則書王不然則否日食則曷爲或曰或不日或言朔或不言朔曰某月某日朔日有食

春秋集解 卷一

六

之者食正朔也不言日夜食也不言朔朔在前也不言朔與日朔在後也

三月庚戌天王崩夏四月辛卯君氏卒

聲子也隱公將不終爲君故不稱夫人不稱子氏而稱君氏何也哀公之母曰嬖氏卒哀未君也隱既君矣不稱子氏而稱君氏著其君也詩曰母氏聖善又曰伯氏吹壎仲氏吹篪禮曰汰哉叔氏又曰哭於賜氏皆非姓也猶曰君氏云爾公羊穀梁曰此尹氏也尹氏者天子之大夫也天王崩爲魯主故卒之王子虎劉卷皆天子之大夫也其卒未

嘗不名使尹氏嘗爲諸侯主矣則將名之其曰尹氏而不名非尹氏也蓋君氏也

秋武氏子來求賻

武氏子者天子之大夫也其稱武氏子何也未畢喪孤未爵也未爵而使之非正也不言使桓未君也歸死者曰賻歸生者曰賻歸之正也求之非正也周雖不求魯不可以不歸魯雖不歸周不可以求之交譏之也

八月庚辰宋公和卒

禮天子曰崩諸侯曰薨大夫曰卒春秋薨魯君而

春秋集解

卷一

七

卒諸侯魯史也其書來赴也其名與魯通也凡諸侯同盟名於載書朝聘會問皆以名通故卒則書名不然則否左氏曰凡諸侯同盟死則赴以名禮君薨赴於他國曰寡君不祿臣子而名其先君非禮也

冬十有二月齊侯鄭伯盟于石門癸未葬宋穆公

魯往會故書春秋以魯敬卒諸侯及其葬則雖子

男稱公何也會者在外信其臣子之詞也

四年春王二月莒人伐杞取牟婁戊申衛州吁弑其君完

衛莊公之世子完庶子州吁州吁有寵而好兵公

弗禁公卒州吁弑完而自立凡弑君稱君君無道

也稱臣臣之罪也稱君則曷爲或稱人或稱國稱

國以弑大臣弑之也稱人以弑眾人弑之也稱臣

則曷爲或氏或不氏不氏惡之甚也且州吁將以

爲君非復臣也

夏公及宋公遇于清

禮盛曰會簡曰遇

宋公陳侯蔡人衛人伐鄭秋鞏帥師會宋公陳侯蔡

人衛人伐鄭

春秋集解

卷一

八

二年鄭人伐衛州吁將報之以宋公子馮之在鄭也使告于宋帥陳蔡而伐之宋公使來乞師公不義州吁而辭焉公子鞏請以師會之公弗許固請而行故不稱公子公羊穀梁曰鞏之不稱公子與弑公也夫鞏之伐鄭未嘗弑也且弑君而以不氏爲貶而足乎不足不若不貶之愈也

九月衛人殺州吁于濮

州吁未能和其民使石厚求定於石碯石碯教之

朝陳而求覲於王厚從州吁如陳石碯告陳人圖

之陳人執之而請蒞於衛衛人殺之于濮稱人以

殺眾詞也言衛人皆欲殺之也州吁既爲君矣其曰殺州吁何也不能君也

冬十有二月衛人立晉

衛人逆公子晉于邢而立之不言晉歸于衛而書曰衛人立晉何也言歸則晉求入也言立則人立之也世子之不言立固其所也非世子未有不立而立者也雖非其所然而衛人之所共立蓋許之也其不稱公子何也將以爲君非復臣也

五年春公觀魚于棠夏四月葬衛桓公秋衛師入鄆九月考仲子之宮初獻六羽

春秋集解 卷一

九

考成也諸侯不二嫡仲子不得祭於惠公之廟以桓故爲之宮禮也天子八佾諸侯六大夫四士二魯以周公祭文王文王周公之廟用八諸公因之非禮也隱公問於眾仲於是初獻六羽不言佾羽而不干婦人無所事武也公羊穀梁曰初獻六羽始僭諸公也天子八佾公六諸侯四然則大夫二而士無佾矣可乎

邾人伐宋

宋人取邾田故邾人請於鄭以伐之凡班序上下以國之大小而盟會征伐以主者先邾小而先鄭

主兵也

螟冬十有二月辛巳公子驅卒宋人伐鄭圍長葛

六年春鄭人來渝平

公之爲公子也與鄭人戰于狐壤止焉五年邾鄭伐宋宋人使來告命公問其入郕也將救之問於使者曰未及國公怒弗救故鄭人來渝平和而不盟曰平言渝棄舊怨也

夏五月辛酉公會齊侯盟于艾秋七月冬宋人取長葛

七年春王三月叔姬歸于紀

春秋集解 卷一

十

伯姬之娣待年於國不與嫡皆行也媵不書書叔姬賢之也吳無君無大夫賢季子而書吳使札來聘亦猶是也若賢不得書必貴而後書則是以位而蔑德也小國無大夫至於接我則書是不可以廢事也位不可以廢事而獨可以廢賢乎媵侯卒夏城中丘齊侯使其弟年來聘

凡稱弟母弟也異母則稱公子各從其親者稱之也

秋公伐邾冬天王使凡伯來聘戎伐凡伯于楚丘以歸

戎嘗朝周發幣于公卿凡伯弗賓故伐之不言獲而言以歸尊王官也穀梁曰戎者衛也戎衛者爲其伐天子之使也稱衛則衛可見戎衛則衛不見而何以爲貶乎

八年春宋公衛侯遇于垂三月鄭伯使宛來歸祔庚寅我入祔

祔者天子巡守鄭人助祭太山之邑也鄭伯曷爲以其邑與魯將以易許田也許田者魯朝宿於成周之邑也周衰天子不巡守諸侯不朝祔近魯許田近鄭是以易之天子在焉而私易田其言使宛

春秋集解 卷一

十一

來歸祔鄭之罪也曷爲不言以許田與鄭事未定也宛之不氏貶之也或曰鄭大夫之未賜族者也夏六月己亥蔡侯考父卒

蔡未通而名者蓋通於惠公之世也

辛亥宿男卒

宿嘗通矣其不名失之也

秋七月庚午宋公齊侯衛侯盟于瓦屋八月葬蔡宣公九月辛卯公及莒人盟于浮來螟冬十有二月無駭卒

九年春天王使南季來聘三月癸酉大雨震電庚辰

大雨雪挾卒夏城郎秋七月冬公會齊侯于防十年春王二月公會齊侯鄭伯于中丘夏鞏帥師會齊人鄭人伐宋六月壬戌公敗宋師于菅辛未取郕辛巳取防秋宋人衛人入鄭宋人蔡人衛人伐戴鄭伯伐取之冬十月壬午齊人鄭人入郕

十有一年春滕侯薛侯來朝夏公會鄭伯于時來秋七月壬午公及齊侯鄭伯入許冬十有一月壬辰公薨

公子翬將爲公殺桓公以求大宰公不許翬懼反諸公於桓公與之謀而弑之不書弑諱之也薨而

春秋集解 卷一

十二

不地隱之不忍地也不書葬不成喪也公羊穀梁曰賊不討不書葬讎在內也讎在外則何以書葬君子詞也若隱公之禍將誰討乎蓋將討乎桓公隱亡而討桓將誰使爲君隱亡而討桓是重亂也故隱亡則桓君矣討君之難孰與討齊之難不討齊則葬之不討君則不葬非訓也故凡弑君不書葬不成喪也隱十年無正事不在正月也公羊曰隱不有其正穀梁曰隱不自正亦有事在正月而不書者乎蓋未之有也未之有也不書宜矣

春秋集解卷一

後學 庚長 校訂

春秋集解卷二

宋 蘇 轍 謨

桓公

元年春王正月公卽位

繼故不書卽位正也先君不以其道終子弟不忍卽位也繼故而言卽位是與聞乎弑也先君不以其道終已正卽位之道而卽位是無恩乎先君也三月公會鄭伯于垂鄭伯以璧假許田

許田所以易祔也以祔爲未足而益之以璧耳易爲不言易諱之也言假有歸之道焉言易則已矣

春秋集解 卷二

一

凡歸未有不受者也假未有不予者也鄭伯之使宛來歸祔也書歸書入魯鄭皆罪也其以璧假許田也書假而不書予祔之謀隱公爲之矣桓因而成之非專其罪也

夏四月丁未公及鄭伯盟于越秋大水冬十月

二年春王正月戊申宋督弑其君與夷及其大大孔父

此弑其君與殺其大夫其言及何也由弑及之也華督殺孔父而取其妻公怒督懼遂弑殤公君子以督爲有無君之心而後動於惡故先書弑其君

公羊曰孔父字也其不名賢也諸侯不生名死猶名之大夫生名死而名正也孔父之死何賢而字乎且方名其君而字其臣禮乎

滕子來朝

滕嘗稱侯其稱子王所黜也

三月公會齊侯陳侯鄭伯于稷以成宋亂

成平也稷之會將以平宋亂也既而受賂立華氏故書其所以會春秋之會未有書其故者也會而書其故言非其實也襄三十年諸侯之大夫會于澶淵亦書曰宋災故言諸侯始以宋災爲會既而

春秋集解 卷二

二

無歸亦非其實也

夏四月取郕大鼎于宋戊申納于大廟

郕鼎華氏之賂也華氏之賂爲不可受矣而又納之大廟甚之也

秋七月杞侯來朝蔡侯鄭伯會于鄧九月入杞公及戎盟于唐冬公至自唐

凡公行反而告廟則書不然則否特相會往來稱地自參以上則往稱地來稱會會衆詞也一出而二事則或致其前或致其後致其重者也隱公之不至何也將不終爲君不以告也

三年春正月公會齊侯于贏夏齊侯衛侯胥命于蒲
胥命者約言而不盟也有以相命故不可以言會
未嘗歃血故不可以言盟

六月公會杞侯于郕秋七月壬辰朔日有食之既公
子翬如齊逆女九月齊侯送姜氏于謹公會齊侯于
謹夫人姜氏至自齊冬齊使其弟年來聘有年
四年春正月公狩于郎夏天王使宰渠伯糾來聘
五年春正月甲戌己丑陳侯鮑卒夏齊侯鄭伯如紀
天王使仍叔之子來聘葬陳桓公城祝丘秋蔡人衛
人陳人從王伐鄭

春秋集解 卷二

三

鄭世爲周卿士王貳於號故周鄭交惡王以諸侯
伐鄭不言王及蔡人衛人陳人伐鄭君臣之詞也
不言王以蔡人衛人陳人伐鄭諸侯之師王之所
得用也於是鄭人及王戰于緡葛大敗王師射王
中肩不言戰王者無敵莫敢與之戰也不言敗諱
之也

大雩

旱也得雨曰雩不得雨曰旱曷爲以大言之雩上
帝也天子雩于上帝諸侯雩于山川百神魯以周
公得祭上帝謂之大雩言大於諸侯也左氏曰凡

祀啟蟄而郊龍見而雩始殺而嘗閉蟄而烝過則
書秋大雩書不時也夫龍見而雩常祀也旱雩而
以常祀言之失之矣

冬蠡冬州公如曹

六年春正月寔來夏四月公會紀侯于成秋八月壬
午大閱蔡人殺陳佗九月丁卯子同生

子同桓之適長也以太子生之禮舉之故書公羊
曰喜有正也喜有正所以病桓也然則非病桓將
不書乎穀梁曰疑故志之然則非疑將不志乎
冬紀侯來朝

春秋集解 卷二

四

七年春二月己亥焚咸丘夏穀伯綏來朝鄧侯吾離
來朝

八年春正月己卯烝天王使冢父來聘夏五月丁丑
烝秋伐邾冬十月雨雪祭公來遂逆王后于紀

祭公王之三公也王將逆后于紀而使魯主之故
祭公自魯如紀不稱使謀昏也遂繼事之詞也大
夫出疆有以二事出者有以一事出而專繼事者
其書皆曰遂得失則視其實而已祭公自魯逆王
后公子遂如周及晉皆以二事出者也公子結媵
而及齊宋盟專繼事者也女在國稱女此其稱王

后何也王者無外命之則成矣

九年春紀季姜歸于京師

劉夏逆王后于齊不書其歸此何以書魯爲之主也既曰王后矣此其稱紀季姜何也自紀稱之也父母之於子雖爲天子后猶曰吾季姜

夏四月秋七月冬曹伯使其世子射姑來朝

諸侯相朝正也有故而使世子攝事畏大國也蓋禮之變也

十年春王正月庚申曹伯終生卒夏五月葬曹桓公秋公會衛侯于桃丘弗遇

春秋集解 卷二

五

衛侯與公爲會於桃丘旣而背之與齊鄭來戰故書曰弗遇過在衛也

冬十有二月丙午齊侯衛侯鄭伯來戰于郎

六年北戎伐齊鄭太子忽救齊大敗戎師於是諸侯之大夫戍齊齊人饋之使魯爲之班魯以周班後鄭鄭忽以其有功也怒故以齊衛來戰于郎不稱侵伐而稱來戰無詞也鄭雖主兵而先書齊衛猶以周班正之也

十有一年春正月齊人衛人鄭人盟于惡曹夏五月癸未鄭伯寤生卒秋七月葬鄭莊公九月宋人執鄭

祭仲突歸于鄭鄭忽出奔衛

祭仲有寵於鄭莊公爲公娶鄧曼生忽故祭仲立之宋雍氏女於鄭莊公曰雍姑生突雍氏有寵於宋莊公故誘祭仲而執之曰不立突將死祭仲與宋人盟以突歸而立之書曰宋人執鄭祭仲而繼之以突之入與忽之出仲以出君易死罪之也突之不稱公子何也將以爲君非復臣也其曰歸于鄭何也凡反其國無難曰歸有難曰入無難而內不喜曰復歸有難而內不喜曰復入復者厭之之詞也突從祭仲以歸于鄭則無難矣鄭忽未逾年

春秋集解 卷二

六

之君也未逾年之君稱子不稱子何也不能君也忽之爲太子也齊侯將妻之忽辭人問其故忽曰自求多福在我而已大國何爲及其敗戎師也齊侯又請妻之固辭或問之曰無事於齊吾猶不敢而況以師昏乎故其立也國人不附大國不援以至於出奔蓋未嘗君也故不稱子公羊曰祭仲何以不名賢其知權也忽何以名春秋伯子男一也詞無所貶夫以出君爲知權亂之道也故祭仲名也非字也且方名二君而可以字其臣乎嫡子稱子禰先君也庶子不得稱子不取禰先君也非伯

子男之謂也且雖伯子男其可一乎

柔會宋公陳侯蔡叔盟于折公會宋公于夫鍾冬十有二月公會宋公于闕

十有二年春正月夏六月壬寅公會杞侯莒子盟于曲池秋七月丁亥公會宋公燕人盟于穀丘八月壬辰陳侯躍卒公會宋公于虛冬十有一月公會宋公于龜丙戌公會鄭伯盟于武父

鄭伯突也突篡其兄而立春秋以君許之何也諸侯雖以篡得苟能和其民而親諸侯內外君之則以君書之不沒其實也雖君而實篡雖篡而實君皆因其實而已不然則否不能君也衛州吁陳佗是也

春秋集解 卷二

七

丙戌衛侯晉卒十有二月及鄭師伐宋丁未戰于宋宋多責賂於鄭公五爲會以平之宋公不可故與鄭師伐宋伐而言戰伐而又戰也不言及宋人戰何也以國地則及宋人戰也

十有三年春二月公會紀侯鄭伯已巳及齊侯宋公衛侯燕人戰齊師宋師衛師燕師敗績

此戰猶以鄭故也先言會而後言日既會而後戰會戰異日也不言所戰後也衛宣公未葬其子也

會諸侯非禮也燕戰則稱人敗則稱師何也與齊宋序戰皆稱爵敗皆稱眾也

三月葬衛宣公夏大水秋七月冬十月

十有四年春正月公會鄭伯于曹無冰夏五鄭伯使其弟語來盟

凡外大夫來盟於魯內大夫泄盟於他國皆盟其君也大夫而盟其君禮乎禮諸侯不親盟於他國大夫卽盟於他國非敵君也雖盟其君可也

秋八月壬申御廩災乙亥嘗

御廩者衆盛之所藏也壬申災而乙亥嘗書不害

春秋集解 卷二

八

也然而周之八月非嘗之時也公羊曰御廩災不如勿嘗而已矣災而爲害則不嘗若災而不害而可以勿嘗乎事之不可以意推者當從史左氏史也

冬十有二月丁巳齊侯祿父卒宋人以齊人蔡人衛人陳人伐鄭

凡師能左右之曰以齊桓晉文之用諸侯不言以何也公用之也諸侯而用諸侯則言以私用之也

用之以公則人自用也用之以私則我用之也十有五年春二月天王使冢父來求車三月乙未天

王崩夏四月己巳葬齊僖公五月鄭伯突出奔

諸侯不生名突之名失地也突將殺祭仲不克而出諸侯之出奔必有出之者矣言其出不言其出之者何也君實有國而出於臣臣雖有罪而君至於失國自取之也然則弑君何以稱臣弑君之罪重於出君也

鄭世子忽復歸于鄭

忽嘗爲君矣其出也稱鄭忽其復歸也稱鄭世子忽何也於其出言其不能君也於其復歸言其所恃以反國者惟世子也舍是無足以歸者矣突既

春秋集解 卷二

九

出則忽之歸無難矣然而鄭人之所不喜也

許叔入于許

鄭莊公之入許也使許大夫百里奉許叔以居許東偏使其大夫公孫獲居許西偏許叔因鄭亂以入于許猶有鄭難焉故曰入叔之不稱公子將爲君也不名而字無與爭國者也凡將君而非爭者皆字許叔蔡季是也

公會齊侯于艾邾人牟人葛人來朝秋九月鄭伯突入于櫟

稱入忽在內難之也公羊曰何以不言忽之出奔

忽之爲君微也祭仲存則存矣祭仲亡則亡矣夫突入于櫟未入于鄭忽未嘗奔也而何以書之

冬十有一月公會宋公衛侯陳侯于袤伐鄭

地而後伐既會而後伐也穀梁曰疑詞也非其疑也蓋以爲伐突以正忽也夫突在櫟不在鄭伐鄭非伐突也乃所以救突也公羊穀梁之妄若是者衆矣不可勝非也故名非其一而已

十有六年春正月公會宋公蔡侯衛侯于曹夏四月公會宋公衛侯陳侯蔡侯伐鄭秋七月公至自伐鄭冬城向十有一月衛侯朔出奔齊

春秋集解 卷二

十

衛宣公烝於夷姜生伋子屬之右公子爲之娶於齊而宣公取之生壽及朔屬壽於左公子宣姜與朔構伋子使齊盜殺之并及壽子故二公子怨惠公而立公子黔牟惠公出奔

十有七年春正月丙辰公會齊侯紀侯盟于黃二月丙午公會邾儀父盟于越夏五月丙午及齊師戰于奚六月丁丑蔡侯封人卒秋八月蔡季自陳歸于蔡季之不稱公子將爲君也不名而字無與爭國者也自陳陳奉之也

癸巳葬蔡桓侯

葬未有不稱公者此其稱侯何也傳失之也或曰周衰諸侯不請諡於天子故葬則稱公蔡桓之稱侯請之天子也夫諸侯既沒不請於天子而稱公非禮也然則魯君生而稱公諸侯之大夫皆稱公子亦非禮乎臣子之於君極其尊而稱之禮也諸侯葬而魯往會從其臣子而稱公亦可謂禮矣及宋人衛人伐邾冬十月朔日有食之十有八年春王正月公會齊侯于濼公與夫人姜氏遂如齊

非禮也濼之會公實與姜氏行其不言公與夫人

春秋集解 卷二

十一

姜氏會齊侯于濼夫人不會也穀梁曰夫人伉也夫人雖伉而與於會可以不書乎雖不伉而不與於會其可書乎其不言及何也及上下之詞也與不相屬也所以惡夫人也

夏四月丙子公薨于齊

齊侯通於姜氏使彭生脫公不言脫諱之也公薨不地故也此其言齊何也在外不可不言也

丁酉公之喪至自齊秋七月冬十有二月己丑葬我

君桓公

春秋集解卷二

後學 庚長 校訂

春秋集解卷三

宋蘇轍誤

莊公

元年春王正月

不書卽位繼故也左氏曰文姜出故也文姜之出孰與桓公之薨且出在三月舍其大而言其細失之矣

三月夫人孫于齊

桓公之薨夫人與聞焉魯人責之故出奔不言奔諱之也不稱姜氏以爲夫人之義絕不爲親禮也

春秋集解卷三

或曰所以貶之也

夏單伯送王姬

單伯天子之卿也天子嫁女於諸侯必使諸侯同姓者主之王將嫁女於齊故使魯主之而單伯送之單伯不稱使何也外大夫使於魯則稱使詳之也於他國則否略之也單伯之女爲齊行也故不稱使公羊穀梁曰此送王姬也此文存誤二傳俱云單伯者何吾大夫之命於天子者也蘇氏當引其語然則單伯爲魯大夫矣魯無單伯天子之世卿也且魯大夫必名使魯主之則周人送之齊人送之足矣魯人何爲道之哉

秋築王姬之館于外冬十月乙亥陳侯林卒王使榮叔來錫桓公命

錫命者命之以策也衛襄公之沒也王使成簡公追命之曰叔父陟恪在我先王之左右以佐事上帝予敢忘高圉亞圉不稱天王闕文也

王姬歸于齊

自我歸之也不言齊之來逆館之于外弗與接也齊師遷紀鄆鄆郛

二年春王二月葬陳莊公夏公子慶父帥師伐於餘丘秋七月齊王姬卒冬十有二月夫人姜氏會齊侯

春秋集解卷三

二

于禚乙酉宋公馮卒

三年春王正月溺會齊師伐衛夏四月葬宋莊公五月葬桓王秋紀季以鄆入于齊

紀季紀侯之弟也齊方無道其欲滅紀久矣紀非齊之敵也天子莫之治諸侯莫之救紀侯內則不能下齊外則不忍抗齊以殘其民將棄國而去故以鄆與季使爲附庸以無廢先祀故書曰紀季以鄆入于齊言非叛也季之不名附庸之君且喜之也

冬公次于滑